

虞初新志
四

虞初新志

卷四

PDG

虞初新志卷八

小柳媛山館重校刊

新安張

湖山來輯

江石芸傳

吳良樞 琬在

江石芸吳山桃花厓女子也幼習經史窮无會運
世之數及長好兵法鑄劍誅妖攝人萬里外一日
過小孤山遇白衣道士授以書盡通其義人請之
莫龍曉也以時無知者遂隱於吳山種桃花無根
花四時常開名其地曰桃花厓厓下月當日午而
明或曰此龍宮女子也有寶珠其光雪日入月因
聚羣盜劫之其珠不可見石芸曰珠固在若烏能

得也。金若珠，劫我珠者，將失其珠。烏能得我珠？惟
自寶其珠，以無失其珠可耳。厓之中，有黃夫人者，
與之善。黃夫人家有虎，名白公，出入常騎之。能陟
山渡水。石芸家有白牛一頭，卧桃花下，鼻無繩，常
出入自如。人以爲黃夫人虎，不敢近。久之，石芸與
夫人亦不知也。於曉構茅屋，厓下讀易，終日不爲
人所知。所著有悟真註，有爲之序者曰：不知何許
人也。予嘗見石芸，觀其所著書，其女子邪？其非女
子邪？天乎！其不知我也，宜其不知何許人也。

張山來曰：補天立極，庶歸女媧氏，其光奪日，大

月則丹成矣。駢龜築罽。設想着語。皆不右人間。宜世人之不知也。○又曰。洪子去蕪。授我強意堂稿。美不勝收。僅登其一。餘者自當借光梓入。闡幽集中。以成大觀也。

耕雲子傳

洪嘉植 去蕪

耕雲子。秦人也。隱於楚江之西。嘗有人見其登巨。廕頂。攜一竹杖。衣葛藍衣。不冠。冬夏不易。見日出。則撫掌大叫。歎。麋鹿成羣。從之行。見之者皆謂神仙人也。身長七尺。長鬚而修下。雙瞳子。炯炯如流。電光。人問其姓字。不答。性嗜酒。有餉則大笑盡飲。

去亦不謝卒有人終餉之不懈人疾病過其前者
則止之諱其故治以藥草遂愈酬以錢不受曰吾
非醫者惡用此其行事多如此類然其不能與人
以可見者人遂不能知也嘗入市眾諱之謂其異
人趣而前則不爲禮各相視無語則又兩手爬搖
肥顧五老峰雲起移貼去或曰耕雲子非秦人也
耕雲子曰秦無人也或曰耕雲子有道人也能蛇
其身者也人莫知其所自來其隱君子邪洪子曰
古無神仙無異人天下有道將安其身於烟霞泉
石之中乎夫何尊皇如也欲與天下之士日相見

哉。顧天有不可逆者。而終嶢然長往矣。鳳集於棘。鸛雀調之。神龍潛乎深淵。終能兩此九之也。

張山來曰。古無神仙。非無神仙也。耕田鑿井。含哺鼓腹。夫人而神仙也。古無異人。何以異于人哉。堯舜與人固耳。然則神仙異人之有其于中。古乎。讀此可以知世變矣。

吳孝子傳

魏 禧 述

孝子姓吳名紹宗。字二璧。建昌新城縣人。世居梅溪里。性聰敏。幼善屬文。萬歷丙午。督學詔公曰。升拔置諸生第一。時年二十。屢試輒高等。孝子父道。

隆善病久之痺不能起前後血竝下醫藥十餘年
無効者戊午正月病甚孝子惶恐無所出乃齋戒
沐浴焚香告天地刺肘上血書疏將謁太華山自
投捨身崖下代父死太華山者撫州崇仁縣之名
山也距新城三百里相傳神最靈異諸來謁者有
罪輒被禍不得上甚則有靈官擊殺之同行人間
輒聲鏗然或忽狂病自道生平隱惡事而神殿左
有懸崖陡絕曰捨身崖人情極不欲有生者則擲
身投之頭足盡破折死孝子既告天作疏明晨獨
身行二日至山上宿道士管延吾寮同寮宿者南

昌鄉先生二人同鄉邑諸生三人十六日孝子升
殿默禱焚疏既同寮人相邀遊著棋峰路經捨身
崖孝子於是越次前行至崖所歎然投身下同行
人驚絕不知所爲一時傳駭聚觀者千人道士使
人買棺往就殮自山頂至崖下路迂折四十里而
殿上道士急奔崖所呼衆人曰誰言吳秀才投崖
死也今方在神座下叩頭方中道服如故衆羣走
殿上視之果然方孝子之自投崖也立空中不墜
開目視句足下有白雲起又遙望見石門門上一
大孝字俄而見三神人命之曰孝子吾左側石有

宰徐

仙家九十二畫汝謹記之歸書紙食汝父不獨却
疾且延年矣更授催生治病瘡驅瘟咒并諸篆孝
子叩頭謝畢身已在殿上孝子乃言吾如夢中也
孝子既定疾走歸一日有半而至家至則父垂絕
不能言孝子急書九十二畫篆焚服之室中人皆
聞香氣甫入口父卽言曰是何藥耶明日起坐啜
粥旬日疾大愈孝子徒步反復六百里不飲食有
五日而父乃益康強善飯以詩酒自娛年九十三
耳目清明無疾終焉由是孝子名聞遠近邑大衆
幸徐公國鼎與爲同道友進士黃端伯過周謀舉

人黃名卿徐伯昌貢士據光孚皆拜爲弟子孝子
當國衰時避亂泰寧以病卒諸生廖愈達家愈達
子所傳三烈婦夫也愈達來新城主孝子子吳長
祥子故竝得交一日而見孝子之子烈婦之夫爲
榮幸焉愈達言孝子生平好名義輕財往往出錢
物爲人解訟闕既感神應益自脩人病苦者恆用
符藥救之以施藥爲名

魏禧論曰聞孝子常詣太華山登座附神耳詎爲
人所禱頗不經然邑君子往其道其事甚悉梅溪
東出四十里爲南豐縣縣貢士趙希乾者與禧交

母嘗病甚。割心以食。母既剖胸。心不可得。則卽腸而截之。母子俱無恙。其後胸肉合。腸不得入。贅臠從胸間出。而穀道遂閉。飲食男女如平人。假謂非有神助。其誰然哉。其誰然哉。

張山來曰。古有以祝由治病者。今九十二畫篆。以及癘瘧諸篆。殆卽其道耶。然吾以爲必孝子行之。乃能有驗。若人人可行。斯又理之所難信者矣。

李一足傳

王猷定子一

李一足。名夔。未詳其家世。有母及姊。與弟貌甚癯。

度

方曄微髫生。平不近婦人。好讀書。尤精于易。有及
星歷醫卜之術。出嘗駕牛車。車中置一櫃。藏所著
諸書。逍遙山水間。所至人爭異之。天啟丁卯。至大
梁。與鄢陵韓叔夜習慶交。自言其父爲諸生。負其
稱。貸于里豪。及期無以償。致被毆死。時一足尙幼。
其母啣冤十餘年。始適人。一足亦婚。母召其兄弟
告之。一足長號。以頭搶柱。大呼。母急掩其口。不顧。
奮身而出。斷一髮爲二。與弟各持。伺仇于市。不得。
往其家。又不得。走郭外。得之。兄弟奮擊碎其首。仇
眇一目。抉其一。祭父墓前。歸告其母。母曰。仇報禍

將乃命弟奉母他徙遂別去時姊夫爲令于竟
往從之會姊夫出姊見之驚曰聞汝擊仇仇復活
今編亦汝其遠避之爲治裝贈以馬一足益恚恨
乃鐃其挺曰沒殘難砍仇人頭遂單騎走青齊海
上見漁舟數百泊市米一足求載以濟遂抬騎上
舟渡海至一島名高家溝其地延袤數十里五穀
少居民數百戶皆蛋籍風土淳朴喜文字無從
得師見一足至各率其子弟往學焉其地不立塾
晨令童子持一錢詣師師書一字于堂以教之則
童子揖而退明日復來居數年積錢盈室辭去附

舟還青州。走狄邪。不數日。錢盡散。終不及私。由遼
西過三關。越晉。歷甘涼。登華岳。入于楚。抵黔桂。復
歷閩海。吳越間。各爲詩文紀遊。二十載。乃反其家。
仇死。所坐皆赦。母亦沒。登其墓。大哭數日不休。自
以足跡徧天下。恨未入蜀。會鄆陵劉觀文除夔守。
招之同下三峽。遊白帝。綿梓諸山。著依劉集一卷。
其弟自母喪。不知所在。一口欲寄弟子書。屬韓氏
兄弟投汴之通衢。韓如其言。俄一客衣白紵幅巾。
草屨。貌與一足相似。近前揖曰。我張太美也。兄書
已得達。言訖不見。辛巳。李自成陷中州。諸郡韓氏

元

兄弟遊亂至泗上見一足子途短褐敝屣鬚眉皆
白同至玻璃泉談笑竟日數言天下事不可爲問
所之曰往勞山訪徐今直韓笑之一足正色曰此
山一洞風雨時披髮鼓琴人時見之此三國時徐
庶也約詰朝復來竟不果甲申後聞一足化去先
一日徧辭戚友告以遠行是日鼻垂玉飭尺餘
坐而逝袖中有周易全書一部後數月濟人有在
京師者見之正陽門外又有見于趙州橋下持槌
觀水佇立若有思者韓于智度不妄言人也述其
事如此

張山來曰觀一足行事亦孝子亦俠客亦文人亦隱者亦術士亦仙人吾不得而名之矣

孝賊傳

王猷定 干二

賊不詳其姓名相傳爲如皋人貧不能養母遂作賊久之爲捕者所獲數受笞有司賊號曰小人有母無食以至此也人且恨且憐之一日母死先三日廉知鄰寺一棺寄廡下是日召黨具酒食邀寺中老閹黎痛飲伺其醉昇棺中野負其母屍葬焉比反闕黎尙酣臥也賊大叫叩頭乞免閹黎驚不知所謂起視無下物以矣以何強釋之厥後不復

作賊

張山來曰、有孝子如此、而聽其貧、至于作賊、是
誰之過與、

王翠翹傳

余懷 澹心

余讀吳越春秋、觀西施沼吳、而又從范蠡以歸於
湖、竊謂婦人受人之託、以艷色亾人之國、而不以
死殉之、雖不負心、亦負恩矣。若王翠翹之於徐海、
則公私兼盡、亦異於西施者哉。嗟乎、翠翹故娼家、
辱人賤行、而所爲耿耿若此、鬚眉男子、媿之多矣。
余故悲其志、綴次其行事、以爲之傳。傳曰、